

張右史文集

四



張右史文集卷第十五

古詩

東海有大松土人相傳三代時物其  
狀偉異詩不能盡因讀徐仲車五花  
柳枝之作，此詩以激之

詩翁愛花復愛柳長歌高吟半酣酒自言二  
物天下奇愛之不獸形于詩嗟余所愛翁未  
見我昔東游窮海甸波濤四絕大島中上有  
太古不死之長松十人伴延坐其下仰見翠

業迷蒼穹巨鯨竭力負不起鵬栖僅借卑枝  
容人言海若此其圍鱗甲百萬屯蛟龍又云  
海怪久不死守護山麓蟠其躬天空海濶風  
力壯敲憂簸蕩散無窮軒轅張樂奏未已筍  
簾百萬喧笙鏞鬼神不欲人屢見護以萬疊  
青山峯愛之未免困寂寞坐見雨露霑蒿蓬  
東臯吟翁天下才海岳秀氣天所鍾豈惟文  
章繼騷雅胸中術業窺變龍如何

失所因與茲松同詩翁勿愛花與柳軟弱

但解爭織纓春英零落化為土夏葉狼藉工  
巢虫嬌兒姪婦最入眼丈夫所志當英雄何  
當與君涉海去結茆松下甘長終

讀蘇子瞻韓幹馬圖

我雖不見韓幹馬一讀公詩如見者韓生畫  
馬常苦肥肉中藏骨以為奇開元有臣善司  
牧四十萬匹屯山谷養之罕用食之豐力不  
曾施空長肉韓生圖像無乃然我謂韓生巧  
未全君不見昔時騏驎人未得飢守鹽車唯

有骨昂藏不受塵土侵伯樂未來空佇立  
驥乏食肉常臞韓生不寫瘦馬駒誰能為  
驥傳之圖不如凡馬斂青芻

再和馬圖

我年十五遊閩西當時唯揀惡馬騎華州城  
西鐵駉馬勇士十人不可羈牽來當庭立不  
定兩足人立迎風嘶我心壯此寧復畏撫鞍  
躡蹬乘以馳長衢大呼人四走腰穩如植身  
如飛橋邊爭道挽不止側身逼墜壕中沉懸

空十丈纜一擲我手失鐙猶攢蹄回頭一躍  
已在岨但見滿道人嗟咨閩中地平草木短  
盡日散漫遊忘歸驅馳寧復受鞭策進止自  
與人心齊南來十年我南走此馬嗟入誰  
手楚鄉水國地卑汗人盡乘船馬如狗我心  
未老身已衰夢寐時時猶見之想圖思画忽  
有感况復慷慨吟公詩達人遇境貴不惑世  
有尤物常難得寧能使我即無情搔首長歌  
還歎息

宿龜山寺下贈旻師

淮流赴海何時窮我生飄泊西復東山中老  
僧舊相見驚我非復當時容三年歷遍百憂  
患遷就汲汲如飛鴻人生易老古所歎如我  
安得顏長紅塵埃漫滅舊題壁枝葉已拱當  
時松我方莽走師已老更念別此何時遙眼  
看故舊懷抱好宴坐不覺聽山鐘長淮日高  
人語絕唯有塔鈴鳴夜風

寄子由先生

先生四十猶不遇，獨坐南都誰與語。青衫弟子天下窮，飢走京塵困羈旅。高門得飯暫見肉，敝筐無實惟巢鼠。樓頭酒貴不敢沽，三百青銅輸杜甫。強顏講學昧時宜，漫自吟詩愁肺腑。平生不解謁貴人，况乃令嚴門者拒。此生自料應常痛，但願流年醉中度。又思人世樂乃已，此外紛々何足數。預期歸日在涼秋，想見西風蕩煩暑。區々懷抱翼披豁，一尊願駐東歸舫。



再寄

宛丘之別今五年汴上留連纔一日賤生飄  
泊客東南憂患侵陵心若失先生神貌獨宛  
然但覺岩：瘦而實有如霜露入秋山掃除  
繁蔚嶂巒出自言近讀養生書頗學仙人餌  
芝朮披尋圖訣得茯苓云是松間千歲物屑  
而為食可不飢功成在久非倉卒上侔金石  
免毒裂下比草木為強岷涓：漱納白玉津  
鍊以真元納之骨神仙自是人不知豈為難

求廢其術我聞公說心獨嗟故問太虛窮恍  
惚奈何不使被金朱乃俾枯槁思岩窟又觀  
世事不可常倚伏誰能定于一終身軒冕亦  
何賴况有朝升而暮黜何如端坐養形骸壽  
考康寧無夭屈乃知豈即非良圖却笑兒曹  
嗜糠粃青衫弟子昔授經賦分霸窮少倫匹  
自知無命作公卿頗亦有心窮老佛但思飽  
暖願即已妄意功名心實不終期策杖從公  
遊更乞靈丸救衰疾

寄楊應之

應之蹉跎三十九猶着青衫困塵垢高才逸  
氣老益竒我每事之安敢友逢時則駕子何  
患有才未用誰之醜暴得從來失常速徐驅  
未用鞭其後掃除萬事付之命將拾至樂歸  
之酒聞公頌以飯自名我亦抗衡能至斗京  
師常恨酒不足貧旅僅得糊其口乃知一飲  
尚間闕功垂萬古知難偶百年痛飲乃良圖  
安用金朱裹枯朽我生自斷計已決君亦我

徒能甬否揚眉鼠子事輕肥  
眨眼小兒夸謹厚須防仰嚇  
忌鷓鴣更慮致魔道芻狗獨醒  
不若舖其糟群犬猶須避而走  
遭刑每笑嵇叔夜得計須師彭  
澤叟我官古邑洛之陽間有山川  
亦竒秀行當釀林從子游更以  
新詩相獻侑

招潘郎飲

老人夜短睡不足勃公意外強  
知時五更未明語千萬更憎林  
間鴨鷓見吹紅洗白雨三

日吾園花在已離披一年春事坐如此白首  
窮謫歸無期念此徑須沽酒飲買魚烹肉慙  
妻兒更呼東隣好酒伴為我醉倒堦前泥

郭圃送蕪菁感成長句

蕪菁至南皆變松，美在上根不食瑤簪玉  
筍不可見使我每食思故國西鄰老翁知我  
意盈筐走送如雪白蒸烹氣味元不改今晨  
一食如南北孔明用蜀最艱窘百計掇拾無  
遺策當時此物助軍行渭上囊中有遺植英

雄臨事完瑣屑終服奇才屈強敵想見躬耕  
自灌畦當時有意誰能測

讀守道詩

仁宗之初公有毅一世懦者聞之驚日行古  
義不顧俗師事孫子傳其經掃堂捧杖供賤  
役侍師之坐隨師行質毅問道無敢變當世  
始知師與生作為文章不徒發譏切時事排  
公鄉俗儒毀譽無所出乃取過行為譏評過  
于仁義罪固小矯禁自合遠中行人皆不及

子獨過々者之罪誰為輕開編偶誦子詩句  
詞氣磊落嚴以清吟哦令我不能舍想見眉  
宇寒崢嶸高風一泯不可見安得壯士能經  
營惜哉朽骨不可作但徠廢土知誰耕

對雪呈仲車

學堂歲暮無來客殘雪漫々風獵々當庭古  
柳三四枝老翁携帚收殘葉二年閒散百事  
慵飢寒不自勤鈕鍾囊空甌倒誰復救典衣  
買酒將空篋人間萬事苦難齊以醉驅愁最

竒捷丈夫未死誰能測幽憂何自同兒妾飲  
酣耳熱詩興豪直上虛空恣凌躡飢喉凍噤  
誰與解正藉醺酣得喘噉少年舉白未嘗辭  
漸老深杯見還怯何當共有種秫田免向官  
壚走書帖

作者

昨者飛電裝破屋頗說四郊妨麥熟十日霖  
雨一日晴泥潦漫漶不容足淒風寒涼肅飢  
骨五月更衣初秋服草木傷摧亦可憐造物



憑陵竟何欲陰陽錯行成疫癘君子慎疾防  
寒燠荒涼窮巷幸無他更勸高眠飽饅粥

己未四月二十二日大雨雹

夜來飛雹驚我眠大者磊落幾如拳起聽但  
覺屋欲動簷瓦破墜無復全是日晚晴星斗  
出鏡靜萬里無雲烟乾坤變化竟誰使造作  
說怪須臾間鄰家老翁髮已白云昔見此今  
十年木衰火濫氣浮洩激此陰沴成冰堅儒  
生臆度知是否天事誰得窮其源屋頭雛鷓鴣

失其母足傷翅折亦可憐

遊楚州天慶觀高道士琴碁

顏垣蒼、鎖喬木草滿荒庭不容足壞簷破  
壁秋雨餘蛛網蕭、風滿屋黃衣道人出迎  
客野態生踈脫拘束圍碁靜掃一堂空烹茶  
旋煮新泉熟彈琴對客、卧聽悅耳冷、三  
回曲離騷幽怨松風悲流水潺湲履霜哭日  
斜攜手步空廊鳴鳩相呼竹間宿黃昏門閉  
人語絕空殿幽、掩微燭我生資身最淡薄

每厭煩歌幸幽獨何當不踏朝市塵長伴高  
人種松菊

惜別贈子中昆仲二首

寒雲崩騰不成雪北風吹寔燈半滅病來廢  
飲卧無眠一夜吟詩韻不絕南城三俊生契  
濶想對寒爐掉吟舌留行一日誰有情慰我  
與君千里別道長塵土疲馬愁歲晚風霜敝  
裘裂人生何用讀書史文字未補囊中闕驅  
馳所幸一飽耳士而謀食愧前哲可能天獨

嗚呼曹自應所學為之孽雖然此事余不悔  
昔學固知今日拙欲持琬琰易羊皮玩之已  
久安能輟萬端畢竟有天命計較何須論瑣  
屑勞歌無和坐達明曉鼓琴、墮殘月

我年十八從先生今也相逢得三子坐思前  
事且十年嗟我不老將俟子中兄弟氣清

拔架若瑤環與瓊珥逸民駿馬不受羈凌蹀  
奔馳動千里先生報名二十載乃得姻婭皆  
文士我今賀子得所遭非我見生誰辨子定

交自恨相知晚漫浪一官非我志論文終日  
坐忘歸欲別出門還頓轡我如轅駒幸芻豢  
豈不厭安敢避人生謀食亦可悲世上舍  
閒皆失計西來有人話吾邑頗說山川魅人  
意寄詩莫憚憑驛傳對酒惜哉無子醉到官  
便掃琴書室有客過我行當至子敏已許來  
壽安到官便

治所  
居室

疏泉養菊待子吟更采山芻秣君驥開  
壽

安官舍多  
脩竹流泉

早作

鷓鴣夜寒不得眠永夜相語高樹巔鴉鳴最  
早尤喧闐啼呼相應動百千老雞睡起足摩  
拳側頭端如聞九天引吭一唱鳴宮懸時哉  
不後亦不先朦朧初日見山川吾盧晨起有  
炊烟

自南京之陳宿柘城

荒城人稀荆棘老野兔驚跳出寒草蒼々落  
日黃雲西驅馬城邊尋古道入門四顧皆桑  
田居民三五依道邊暮投佛寺下馬立銜眼

滿屋燃箕烟老僧自言八十餘老矣不能營  
所居村僮依灶展敗席上有空梁懸木魚旋  
汲新泉濯雙手青燈照客黃昏後群兒烟漫  
眠我前新月欲傾光入牖夜敲僧室借酒壺  
不惜青錢取次沽酒香入戶推枕起剔燈吹  
火燃銅盃大杯一沃不留滴滴眼勢然睡來  
集明朝上馬倒殘壺不怕新霜敗裘濕

送劉季孫守隄州

君家將軍本縫掖叱咤西摧賀蘭石一時成

敗何足論要使英名垂竹帛到君奇骨尚虎  
頭白鬚千騎守邊州棟架萬籤供記覽探囊  
五字擅風流大河之東士精勇日飲不妨飛  
獵鞞五更吹角建牙旗萬馬合圍行酒甕朝  
裘風勁黑貂暖夜帳雪滿青氍重樂哉閉口  
莫言兵雖有頗牧誰能用

北原

秋風日夜吹北原秋蕪經霜不復繁縈紆一

迳漸可躡步踏落葉披榛蕭蕭九月草木



變獨有修竹猶禁寒青紅野實不可辨晚日  
照射霜榴殷巉々女兒更清瘦崖壁刻削無  
雲烟潦收石出洛水好靜夜側耳聲潺々原  
西古城有微路禾黍縈々荒涼田人家歲熟  
婦子樂村巷日暖牛羊閤登臨嗟我幸無事  
况有美酒供開顏射麋獵兔可卒歲棄擲萬  
累休嗟嘆馬大國之表士詩意紅燈不抄亦

能已感春

若々堂北桃昨日花猶小暖風遲景一日功

萬萼千葩爛相照東風漾：吹朝雨朝日滿  
簷春鳥語櫻桃得暖花意忙接萼連枝鬪先  
吐蘭芽出地長可握小笋如簪堪荐筋炊：  
萬木誰使然時來不肯居塵土盛衰相感但  
如此鏡中安得朱顏駐古來百計無可奈惟  
有飲者謀猶廢乃知甚急莫如酒有衣可典  
猶為富我今不樂欲何待薄俸自給供朝暮  
功名有命不可求白髮無私誰得拒從今酪  
酏勿復辭棄置人間千萬慮

寄陳器之

昨者見君纔頃刻滿馬塵埃面顰黑白言別  
家春欲闌歸意如飛留不得玉鞭揮折手成  
眠一日到家馳西驛今朝得書一何喜酌酒  
烹雞稅征輓自言山城無與樂坐看飛花良  
可惜手携婦子口吟詩文字揮毫便千百醉  
歌昌谷和我吟錦囊舊句無顏色憐君潦倒  
誰復省場屋十年名烜赫嗟我春來亦何事  
飽食高眠度朝夕簾前相對但有山坐上清

譚更無客逼眼花光羅綺眩照人酒色瓊瑤  
白風光似此寧可忍酩酊高歌卧花側平生  
結友事遨遊未省連年守山僻強歡獨飲豈  
所樂舍此無謀慰愁寂思君一笑何可得王  
事有程身有役堂南柳條爭著葉繁李夭桃  
落如積請看春物能有幾坐見清和變炎赫  
須期載酒對東風及此殘花尚堪摘

讀李愬碑

自唐中微北方沸胡馬長鳴飲清渭李公守

節陷賊庭身死髑髏行萬里

橙及羅奕並傳首

百年

事往誰復省一丘榛莽無人祭荒碑半折就  
磨滅後人空解傳其字殺身不畏真丈夫自  
古時危知烈士俗書小技何足道嗟我但欲  
揚其事寥々獲麟數千載末學褒貶多非是  
高文大筆誰復作絀臣餓夫須有待紛紛後  
世競著述紙墨徒為史官費却嗟何獨此事  
然搔首碑前空嘆慨

和陳器之四詩

朝應天

應天寺有五聖御容  
官于洛者至則首謁

唐衰五季更披猖  
社稷反手看興亡  
山河分裂流戰血  
積骨被野號豺狼  
中原正朔不出境  
九州豪傑爭侯王  
生民禍難寬痛極腥穢  
上達于穹蒼真人龍飛萬物觀  
天命自至誰能當  
靈旗指揮四海一氛祲  
殄滅和風翔降王  
賜第奉朝謁九服效職爭梯航  
百年積累到今日運祚方與乾坤長  
佛宮原廟廣孝敬  
嚴致守衛懃蒸嘗陰  
祕寢鎖遺像  
畫

戟羅蕭牆衣冠具列虛伏儼龍駕不及遺弓  
藏子孫億載千萬世永與清洛流湯

過韓城

周京無人弔禾黍七雄按劍分周土秦人匹  
馬出函閨六王割地愁為虜宜陽古堞故韓  
都城接強秦爭戰苦謀窮運去竟亡國從長  
蘇秦亦何補諸侯已盡秦魏、嬴氏已亡秦  
不知始皇自是呂家子宗廟薦享真何為山  
河百戰移陵谷宮殿成塵埋寶玉秋風壞塚

長荆榛落日空城散樵牧今古悠々共一丘  
爭強蝸角欲何求誰似令威仙骨健千年重  
向故鄉游

吊連昌

唐日西顏半明滅長筓掃天流戰血六龍不  
復入東都

唐自安史後至昭宗東遷終不復幸

連昌已有狐狸

穴宮前茫茫洛陽路漢甲胡兵幾迴度火焚

馬蹙百戰場盡是舊時歌舞處遊魂不歸宮

樹老茂陵金玉人間寶春耕迤邐上空山夜



燐青熒照秋華女几巉々青挿天東流洛水  
自潺湲興亡一覺繁華夢只有山川似舊年

鹿仙山

真人朝天去不還千年鹿跡留空山空山寂  
寞何所有野殿荒涼松檜寒桑田海水移今  
古興亡萬變誰能數五雲深處駕飛龍應笑  
人間換朝暮神仙不與世人期騎鹿安知不  
復歸朝嵐夕靄山秀潤應有靈丹相護採長  
生可求仙可致浮世腥膻何足嗜君不見漢

時九江梅子真一日辭家隱吳市

長安仲春二首

長安仲春七日風蒼茫頓撼天地同  
應門縹緲定欲動况我窮巷連蒿蓬  
暮寒卷雪連芳草平門萬屋青城  
編無言桃李終默默得勢泥塗常  
浩浩夕暉入屋人氣活勞苦羲和  
問何濶斗杓東指令未行要使燭  
龍聊潑刺長安花繁仲春月北風  
倒山雨成雪窮巷下里袴襦盡老  
翁稚兒骨欲折吾人諳事不復

驚以手扣額願天晴夕陽纔升已復晦積雲  
如山那肯退

贈吳孟求承議二首

我生仕宦來糊口敢憚水浮蕪陸走竭來京  
口見花落歸去西風未吹柳山尋北固初知  
路水飲中冷未盈在徒勞結束解書劍未覺  
塵埃生戶牖瓜州登江曉如鏡照水自覺秋  
容瘦因公忽致舊酒壺恍如夢覺南柯守  
我非初平叱羊口江中浪作群羊走金山五

日獸僧粥揮榜瓜州纜古柳晨興但怪妻孥  
喜故人致饋羅盤立起傾殘榼得餘瀝洗醅  
再酌開蓬牖風雲慘淡袂已嚴桑榆搖落山  
初瘦軍厨醇味尚煩公應記踈慵窮太守

秋蔬

荒園秋露瘦韭葉色茂春菘甘勝蕨人言佛  
見為下筋

俗言八月  
韭佛開口

芼炙烹羹更滋滑其餘

瑣屑皆可口蕪菁脆肥莖蘆辣藏鞭離筍纖  
玉露映葉乳茄濃黛抹已殘枸杞只留枿晚

種蒿苳初生甲南來食肉忘肉味久思吾土  
牛羊茁軟炊一飽老有味痛飲百壺今不說  
蒲團齋罷欠伸時自覺少年心解脫

瓜洲謝李德載寄蛭兒木瓜筆

瓜洲蕭索秋江渚西風江岾殘紅舞津亭永  
夜守青燈客睡朦朧聽江雨青罇曉酌遣懷  
抱但恨鬱々將誰語敲門忽得故人書洗手  
開緘見眉宇蛭兒肥膩愈風痺木瓜甘酸輕  
病腹銛鋒皓管見還愧老去筆硯生塵土北

歸飄泊亦何事  
篙工已東橫江  
鵬天寒應客  
太昊墟當遣何人共雞黍

贈晁二

走筆約无咎同赴大尹  
龍圖四丈烹酒之集

昔者與兄城南鄰  
未省一日不相親  
誰令儻舍得契濶  
此事我每愧古人  
逾旬寒熱不可  
說通體戢生赤鱗  
是身非有病亦幻  
調御未伏猶酸辛  
布衾蒙頭但欲睡  
瞥見蒼雪如飛塵  
豈無杯杓與酬酢  
口舌未肯親  
若醅平生相送百不問  
斗酒倒盡繞逡巡  
崎嶇行世

得皆安嵬我就醉事最真殘年崢嶸欲無日  
晴雲浩蕩已有春柳黃梅破最佳絕京兆羔  
酒仍慙慙

和定州端明雪浪齋

中山士馬如雲屯號令唯覺將軍尊熊旂犀  
甲羅左右金鉦鳴鼓譟朝昏少年賦畝老為  
將誰能復記躬耕村東坡先生事業異道岐  
不得安修門眼前富貴念不起唯有山林勞  
夢魂榛中竒石安至此坐蒙湔洗見本根蔣

流驟浪勢萬里至畫乃掃筆墨痕黃牛三峽  
固細事赤壁長江何足論能令萬古蛟蜃怪  
么麼入此玻璃盆扁舟獨往則不可平生致  
君言具存

至日有感

前年至日在何處寒事蕭々客許昌乞火夜  
溫行客酒披裘曉冒五更霜暮投陽翟荒涼  
驛正見人家燈火光飢馬卧嘶毛瑟縮羸童  
曉對色蒼茫二年旅宦孤村僻東望歸心洛



水長佳節幾逢長索寞我生何事苦淒涼更  
無賓客青山滿只有風霜老樹蒼昭代寧須  
厭留滯馮公白首任為郎

寄余五十五

憶昨戊午寄東都人事紛：相見踈補官洛  
陽我西走兄理舟楫歸江湖往來相失頃刻  
滿坐使一別三年餘他鄉滿眼非故舊南北  
耿：無音書福昌古邦廢已久莽：榛棘藏  
窟聽空宮蕭條唐舊路古堞斷續韓遺墟商

頑餘民俗未泯習尚兇獷羞為儒高堂塵埃  
坐無客雖復強接非惟愉嗟兄尚復記憶我  
兩得書札何勤渠最後新詩意不淺知子過  
我山陽居人間翩翩輕薄子交友暫甬久則  
渝惟忻憂患心不易我視一世無君如念昔  
登科各年少子中第一名傳呼春風朝游踏  
廣陌夜雨縱飲傾余壺當時意氣今在否十  
年我困官庭趨君宜騰踏上寥廓何乃失足  
遭崎嶇人生難必但如此付委造物隨所驅

得之幾何失未損七尺可貴唯吾軀洛川春  
風來已久桃李次第爭芬敷登臨想子不可  
見夢逐流水游東吳東吳舊遊我所樂飲有  
美酒烹有魚何當相道兩披豁擺落萬累無  
嗟吁

張右史文集卷第十五

張右史文集卷第十六

古詩

未寒熱伏枕已數日忽聞車騎明當  
接頓睡中得韻語數句上呈四文龍  
圖魚記至日之飲

山羊卷酥如切玉剪毛胡羊花作肉燭前醉  
客淋漓時山泉更煮如珠粟深泥三尺歸不  
記日列牀前初睡足雨來七日戰寒熱朝飯  
齋糜不盈掬客來但辦君且去卧聽消雪

消屋因山事嚴京兆出十驛人、如在目駝  
裘便面行野時晴郊已動陳根綠

贈晁十七

應之風骨世絕倫濯、芳柳當青春瓊瑤冰  
雪照一坐我恐子是神仙人十年報名望不  
見一日邂逅情相親安仁白璧絕瑕玷宗之  
玉樹無埃塵襟清胃明遇事敏西河舊政傳  
諸民縣門高開吏束手訟至立決如有神別  
君還家恍若失咫尺莫見徒為隣會期殘春

再携手湍引大醕無辭頻

聽客話澶淵事

憶昔胡來動河朔渡河飲馬吹胡角澶淵城  
下冰載車邊風蕭々千里餘城上黃旗坐真  
主夜遣六丁張猛弩雷驚電發一矢飛橫射  
胡酋貫車柱犬羊無蹤大漠空歸來封禪告  
成功自是乾坤扶聖主可能功業蓋萊公

和晁應之憫農

南風吹麥穗好飢兒道上扶其老皇天而

露自有時爾恨秋成常不早南山壯見市兵  
弩百金裝劍黃金縷夜為盜賊朝受刑甘心  
不悔知何數為盜搽戈足衣食力田竟歲猶  
無獲飢寒刑戮死則同攘奪猶能緩朝夕老  
農悲嗟淚沾臆幾見良田有荆棘壯夫為盜  
羸老耕市人珠玉田家得吏兵搽戈恐不銳  
由來殺人傷正氣人間萬事莽悠悠我歌此  
詩聞者愁

止酒贈郡守楊瓌寶

止酒正似塞決河厚積薪芻傳沙礫堅牢不  
使見蟻漏一線纔通便奔激莫輕弱箭不穿  
縞轉眼已驚牛弩射我今止酒用此法目前  
逾月無涓滴情鍾我輩當痛制慧通則流那  
可測懋美端是合吹葢用玉無疑初諫漆脾  
乾胃燥生未省黃媯無聊怨岑寂不憂群飲  
惱姬翁但畏獨醒嘲楚客茫然自惻還自笑  
一身心口相仇敵何妨二豎即奔忙不廢三  
嬰更滋澤平生杯杓不挂眼一飲便須論石



斗低心伏老慎勿癡此身何啻千金值

送畢公叔奉詔赴陝西

畢子談鋒不可摧捷若急電飛霆雷老儒宿  
學不敢較左右戈戟縱橫排文如翻河注浩  
渺學有要會窮根亥眼着青雲不着脚決去  
得邑窮山隈漢家封疆際四海琛賫萬里聯  
翩來西河故地獨何事禮樂舊俗遭狼豺乞  
藏隱忍非一日歎子未可寧心懷英雄天子  
命世主撫劍震怒風雷迴馬如屯雲士如虎

萬車載甲如崔嵬豈惟倖斬復境土誓剖巢  
穴窮雛胎除書命子參漕府國有大事須群  
才男兒功業在勤苦莫惜沙塞衝塵埃禦戎  
舊策子所惜胃臆請為將軍開封侯報國在  
今日贈行滿舉黃金杯

九月十二日入南山憇一民舍冒雨  
炙衣久之

石稜如刀不容步上挽垂藤下無路風寒雨  
滑徒旅愁捨馬杖藜泥沒屐躋攀顛墜不容

髮目眩心寒驚反顧亦知垂堂有遺戒身仰  
微官欲誰愬蕭蕭茅屋映絕壁門外汨清  
泉注解衣就火不能暖旋拾山薪伐溪樹山  
翁生未食醯醢脫粟寒蔬度朝暮人間平地  
固不少何用巖嶇守磨兔秋穀四起山靄夕  
壞屋踈離睡無處披裘結束相勸歸過盡重  
雲下山去

八盜

挾弓持矛八人者暮出永寧循白馬袁村飲

酒呼主翁主翁倉惶問以弓朝飯南山民獻  
彘主人贈刀其姓李道逢兩夫捕鷹隼脅之  
以威使從己晚投民居迫之饋坐有三夫願  
從事其徒新故十有三驅使兩夫前探伺謀  
知小水無徼巡彎弓長呼蒼市門傳報市人  
恣誘脅擾、坐致幾千人一盜登牀坐而視  
四盜執兵環以衛八夫露刃入民居斂聚金  
珠致之帥搜羅抉剔凡八戶淫汙婦女累其  
主烹羊獻酒來紛、錢幣滿前隨賜與一盜

揚穀集市人我憐市人常苦貧居民積財尚  
餘羨恣爾攫取舍無嗔市人聽令喜且舞有  
負囊攜誰復數須臾散去閭里空犬逝雞逃  
無敢語八盜連謀紹其五為我鳴金南取路  
人聞金報謂盜南八盜而馳下山去長吏飛  
書呵有司坐欲捕獲如吾期洛陽大勝如足  
帛一百萬錢賞能獲一朝兩卒叩吾門自言  
有家人不聞我知小鼠群偷地二盜今居洛  
之溪立呼吏兵給戈弩期以朝擒夜馳去可

憐鼠子不知逃猶復持矛起相拒一士揮刀  
身首離復取傍盜如携兇八夫獲二匹其六  
盡取黨人付諸獄原六騎奔隨空會果露於

甲騎不淮陰阻雨

檣竿日已春風轉渺孤舟數家縣朝來雨  
暗隔淮村白浪卷沙吹斷岼渡頭楊柳濕青  
青橋下洶野水生滿尺白魚初受釣斷行  
歸雁故能鳴平生行止任遲速蓬底欠伸朝  
睡足從來江海有前約老去塵埃無可欲曉

天暖日生波光桃杏家  
半出牆春日春波  
好相待短帆輕舫可須忙

蕭朝散惠石本韓幹馬圖馬亡後足  
世人怪韓生画馬身若肥幹寧忍不画驥骨  
當時廐馬君未知開元太平國無事戰馬卷  
甲飽不騎玉闥橐駝通萬里長安第宅連諸  
姨笙歌錦繡遍一國六龍長闕空食粟霜甜  
秋草沙苑游日暖春波渭川浴睢園腰穩日  
生光細尾豐膺毛帖肉珠鞍玉鞚驕不行豈

有塵埃侵四足韓生丹青寫天廐磊落萬龍  
無一瘦豈知車下骨如墻飢嚙草根刺傷口  
君家古圖繞半身千里騰驥已有神迴身側  
頽不無意剪駿絡頭嗟失真君不見太宗戰  
馬拳腹毛身騎此馬縛群豪龍虎精神金鼓  
氣豈有闕地供脂膏至今畫圖快胃臆想見  
虬鬚親破賊那知但受腕中肥漁陽筋腳蹄  
如石神駒入水隨烟雲蜀山石路無行人六  
驥悲鳴足流血騎驪遺事一酸辛



次韻君復七兄見贈

老知山林等朝市，扁舟誰能問行止。  
長淮十日浪吹沙，春風正攬驪龍睡。  
幽人軟語破永日，衝泥携手林間寺。  
坐中知兄病當已，眉宇盪、有佳氣。  
華池神酒不用醒，人生和暢自忘形。  
扶持陰德鬼神在，洗除世緣煩惱輕。  
東來自慚雙鬢改，相逢獨覺兩眼明。  
論詩尚愛淡生活，學道久嘆閒名。  
叢嗟我塵埃費昏旦，補削自憐閻道晚。  
還丹欲問僕、仙調陸先生僕

古仙人也一菴更伴騰睡騰謂回明騰古禪宿春陰夜薄

月朦朧劇談燭盡樽亦空他日重逢龐處士

可能猶與世人同禪說故比應公

離泗州有作

舸舫大艣來何州  
翩然五兩在船頭  
淮邊落帆汴口宿  
橋下連檣南與北  
南來北去何時  
停春水春風相送迎  
沙岸飛鷗鷺相見短亭  
楊柳不無情清歌一曲  
主人酒主人壽客  
舉手明日酒醒船鼓鳴  
沙邊破堠不知名行

人十里一回首雲邊猶有塔亭：

汴上觀迎送有感

居人憐客千里來掃堂為客致酒杯夜闌再  
拜客辭去尊前美人不成舞陽闌八疊倒玉  
船消魂此地自年年船頭旂竿船尾柁南游  
江海北長安長亭出城十餘里柳邊人家飯  
游子少年此地幾經過白頭相逢可奈何

奉先寺

荒涼城南奉先寺後宮美人宮葵此角接相

望高起墳草間栢下多石人秩卑焚骨不作  
塚青石浮屠當丘壠家：墳上作享亭朱門  
相向無人散樹頭土梟作人語月黑風悲鬼  
搖樹宮中養女作子孫年：犢車來作主廢  
后陵國官道側家破無人掃陵域官家歲給  
半千錢街頭買餅作寒食

送程德孺赴江西

程侯治楚我獨知去時民作嬰兒啼歸來明  
光見天子還把一節來江西年來屢下寬大

詔赤子未免寒與飢  
恩如憂病政如藥  
知病無藥何由治  
朝廷法度寄吏手  
付授得所乃合宜  
事如黑白初易睹  
敢以容悅相蒙欺  
此行委寄意不淺  
列城數十受指揮  
任官輕外最弊法  
省閹無補真何為  
遙知敏手多暇日  
不廢樽俎環蛾眉  
從君多乞歛州紙  
歲晏天祿供吟詩

送杜君章守齊州

平生杜公賢  
弟兄北州人  
物家法稱兒童服

膺今見面溫潤圭璧清霜水冑中詩書不見  
試髻髮欲白論邦刑用違所長衆不可公獨  
談笑氣甚平人才之難萬異一士其重九  
鼎輕典箴不廢吟擁鼻所歎虛席何人登臨  
蓄千騎亦不惡聊以餘力蘇疲氓霜清水落  
魚潑刺萬甕沸響新醪傾東秦山河太守貴  
長安歌舞新曲成正須晝夜快作樂舍人促

公歸治行

送劉季孫赴浙東

三萬里

將軍好書如卻毅女史隨船三萬軸吟詩坐  
嘯士賈勇不學虎頭飛食肉念昔先君得佳  
句歸見兒童吃珠玉垂離存沒偶不死十年  
遇公拜還哭堂：山西忠勇後凜：典刑在

眉目搃戎南下聊復爾健虜黠羌要頗牧戈  
船水犀士扼虎三江太湖浪翻屋丈夫為將  
亦不惡寂寞揚雄老天祿真一士其重公

寒夜擁爐有懷淮上是果不可公

長安暮冬雪如山堅冰錯落于其間八荒一

雲同慘淡北風怒迴江海翻老人此時不復  
出閉戶燃薪守蓬華忽憶去年淮上舟有客  
致酒頗豪逸三更堂下霜折木坐上美人鳴  
寶瑟人生有情亦可憐明眸皓齒如眼前主  
人金章作塵土烟飛星散江南天知非蘧公  
時一歎讀書梅叟並蕭然百年萬事費排遣  
軟語試問東家禪

同魯直无咎遊啟聖

西方金仙千歲身天上伐木役天人閻浮檀



光照世界作此無量勝妙因九龍寶地赤精  
宅涌出宮殿豎風輪化人南來為守護震動  
六種走鬼神錦幪老人常住世燕坐說法無  
冬春故人蕭公作塵土白蓮花葉光如新妙  
道無邊世眼窄真心通通人智貧可憐端居  
樊宇宙幾見疑惑談偽真蒼牙森以鐵鳳啄  
殿顏耽以金獸蹲官冷何妨近香火時容勝  
絕洗埃塵

雲同送邵郎中守同州

君不見漢家左輔百萬戶里昏夜驚鞞桴鼓  
爾來荆棘露沾衣只有山河閱今古邵侯風  
流華省郎三十憑熊兩開府不須閉閣決田  
訟多屑石餅羞魚俎

同州石餅餅中州  
作鱠蓋甚貴之

東南

文章舊人物莫媿尊羹便酪乳仍煩細閱白  
沙龍驕驕一骨今何所

王都尉惠詩求和逾年不報王屢來

索而王許酒未送因次其韻以督之

酸寒杜陵老痛飲遺身世雲安小縣麴米春

遙知美味無多子，猶令此老氣如虎。傲兀幾  
以醉為異，爭知侯家美酒如江湖。金錯犀杓  
與之俱，玉壺曉傾春水。決銀槽，夜滴秋雨。踈  
主人文章足賓客，許致麴生來坐側。三杯脫  
帽，我家風渴如旱田，占雨虹冷官如瓶。君未  
見腹惟貯水，生面鳴鞭走送煩。騶轡坐對  
朝寒，北風起未敢煩。公大作醺，老夫自斟酌。

深淺

深不見架蒲桃

蒲桃盤屈如修蛇春來蟄起紆橫斜延之升  
架鱗甲動舊枿槩生光華盤堆馬乳未敢  
望殷勤澆灌意匪他要聽暑雨鳴大葉窻間  
致榻園青紗年來幽淡亦有趣自植花草占  
萌芽奔波玄德老不遂正甬種菜豈不佳猶  
嫌尚遣兒輩覺方食失匕徒驚嗟

叙十五

五更聞鐘自驚起坐守殘燈具冠履昏痛  
眼正團花獨愛當庭月如水強驅睡味誰不

仁漢：黑甜留兩背，忽驚左掖漲風埃。已起  
上閣鏘環珮，平明原廟煥金碧。飢投敗幕走  
寒餽，紛々僕々酸。兩脰肉食當然賤，何事走  
馬還家百不問。掃榻伸腰真有味，起來炊熟  
日亭午。槐葉新成庭覆翠，翻書弄翰老自笑。  
飽食安眠計，雞遂古來高士不入城。肯聽鳴

雞踏朝市

張右史文集卷第十六

張右史文集卷第十七

古詩

未病臂比已平獨挽弓無力客言君  
為史官何事挽弓戲作此詩

君不見吾鄉少年曹子桓文章七子相後先  
有時擲筆事戈獵邀輕截後馳平原獵貊名  
弓燕代馬射雉歸來燕清夜一聞驚倒荀令  
君何物書生乃知射我雖把筆笑腐儒束腰  
待懸玉鹿盧自從病臂憂親友百疇為之心

一枯降癘無名天悔禍奪之而與復完軀但  
慙未使杯安肘猶負當年門挂弧便使淒涼  
身未伏略聞弓馬氣猶麓莫為早衰須袖手  
將軍臂折尚平兵

踵息齋

物之有知者恃息物之有息知為賊天長地  
久載元氣天地無心故無極君知一身誰主  
持六塵緣影工伎兒發生變幻不暫止令汝  
鼻息無停時喘呼呀呷生至死去今已遠何

由歸真人嗒然吾喪我能使炎火為寒灰中  
空無宰氣不使內自升降如靈龜深之又深  
乃至踵根深蒂固凝不動超然內外無死地  
梨棗華實龍虎用真人示我尺素書萬卷丹  
經不勞誦他年綠髮對銅狄却視吾齋真作  
夢

喜晴

朝看東南雲物好便有清風收濁潦吾欲天  
意將悔禍約束蛟龍便稜稻山川轉眼異明



晦冠屨宜人亦輕燦微涼入堂酒味好一杯  
徑醉愁如掃清幽枕簟東窗下曉睡老雞呼  
不覺

山海

愚公移山寧不智精衛填海未必痴深旨為  
陵岸為谷海水亦有揚塵時杞人憂天固可  
笑而不憂者安從知聖言世界有成壞况此  
馬體之毫釐老人行世頭已白見盡世間惟  
歎息俛眉袖手飽飯行那更從人問通塞

答仲車

先生居山陽時事不挂齒讀書逾五車不肯  
著一字今朝若嘆嗟告我將老矣我意與子  
殊欲去依禪子

仲車元夜戲述

華燈耀廣陌皎月臨重城唯我二三子紫門  
通夜高展書對明燭濁酒徐傾崢嶸千萬  
慮一醉皆能平

戊午冬懷五首

悲茄奏已罷落月在西壁卧聞中林鳥先曉  
鳴嘖嘖甬來亦易供固合事安息夜歸陵旦  
起何甬更勞後乾坤擾萬物不使輕有獲無  
求良獨難何以休吾力

窓南積雪高三尺二更月出連窓白爐裏石  
瓶鳴細泉燈前病叟搗書策家人歲晚貯梨  
栗倒榼寒醪有殘滴三杯取醉萬事平兼味  
重裘定何益

山陽賢者有徐子親沒十年哀不已精誠感

天、為悲甘露常沾墳樹枝徐子行年過五  
十衣不被體常苦飢天公盍使少富足甘露  
萬斛真何為虛恩浮惠天猶爾安得世人無  
巧偽

楊雄老不遇寂寞玩文史側身虎狼間乃卒  
脫其死中恬遺外慕獨樂異眾喜但有載酒  
人何用求知已

年來百事懶惟樂靜中趣天寒無來客終日  
常閉戶進取乏時才窮通有天数委身付造

物已矣隨所遇

感春三首

東風吹桃李花落已滿地  
搖搖新柳枝薄蔭  
纔可茫誰云同一時  
榮謝兩異意由來何足  
較要之歸一致

默坐不復出浮雲作朝陰  
離離簷間花隨雨  
下故林物色一如此  
朱顏坐凋侵自歎陽春  
曲吾不待知音  
午日步西園繁  
花亂相照天  
海棠枝頽我

如欲笑殷紅點輕素含吐皆窈窕持贈東隣  
子願言論久要

春日雜詩六首

啼鳥喚我覺簷日行且午累々出葉鶯庭雀  
鳴欲乳妻兒病酒睡雞犬樂其侶風光不我  
違舍醉何有度

東風入我園花落如急霰感之復携酒撫樹  
為三歎離々墻間草滿地不可踐陰々本無  
情榮謝欲誰怨

春晏百草秀野花無復名悲哉桃李闌念此  
聊掇英翩々雙飛蝶天靜午日晴悲憂浪自  
苦有酒但知傾

堂南老榆葉清陰漸交映飄々風花乾渥々  
兩葉盛鳥鳴日方遲客去門逾靜自無濟世  
略歎々欲誰省

三月行復至青春坐侵尋飛花去寂々新葉  
來駸々白日照芳草荒園亂鳴禽朱顏任自  
老安事累吾心

東風忽無情吹我園中花繁紅與艷紫零落  
委泥沙鳴鳥亦何事啾啾竟諠譁須知盛已  
極委棄故誰嗟

官閨

官閨吏歸早歲晏寒欲盛槐稀庭日多鳥下  
人語靜幽花破寒色過雁驚秋聽酒賤莫厭  
沽北風行欲勁

秋池

平生落寞意况此秋池側寒水靜無波衰荷



委餘碧蕭蕭，動風髮照影感新白。來往雙浴  
鳧，南生真自得。

雜咏三首

隆中卧龍公平昔事耕釣無言，願同儕高視  
獨長嘯。彼寧惜開口，願南非同調。何事逢玄  
德，曹孫一言料。

六槐當我庭，春葉密如幄。朝來南風起，已見  
萎葉落。盛衰同時來，豈必待蕭索。鄙哉兒女  
癡情，情所樂。

鳥鳴高屋上，飢頽朝求食。  
擾々市井人，日夜衣食迫。  
豈伊理當然，或者養未得。  
我歌南風詩，歸坐還歎息。

飛雲

時雨久不施，飛雲作朝陰。  
茫茫中原麥，賴此三日霖。  
朝陽忽清霽，披露南山岑。  
雖無濟物迹，膏澤在民心。

和應之燈蛾

萬物皆畏死，爾生何獨愚。  
由來附炎熱，鮮不

喪其軀淺、權利客蹊、輕薄夫高門甚烈  
火相勸以奔趨

和舊雀

群兒探雀雛雀母悲且鳴萬物雖異性愛子  
均一情母心于子誰不憐甬胡棄子當道邊  
諒非人情不如鳥使之至此必有原

雜詩

獨居無與往况此陰雨天起來復何有詩書  
散我前僅取一榻上讀書疲復眠經綸負夙

志跌蕩窮吾年

操藥

指可握而足臂可據無它何為勤藥物杵臼  
日誼譁指臂何與人正欲使其佳念此慙吝  
生達人其我嗟

烏白

烏白強知曉說々鳴暗天我事不須早援衾  
且復眠朝暉方曠々慘凜蔽清妍且復待午  
景負此簷間暄

春林

春林露如雨蕭蕭  
曉花寒引手攀高  
紅微香來鼻端  
何以比芳潔  
置之青玉盤  
持歸供像佛  
相對淡無言

華月

華月流春宵  
散我高林影  
披衣步其下  
受此掃地靜  
吾心方浩然  
萬境一澄瑩  
徒倚玉繩低  
寂寥沉遠聽

離楚夜泊高麗館寄楊克一甥四首

去城未五里夜纜繫衰柳水亭暗風雨人散  
聞吠狗平生足羈旅况此還往日有感不自  
知淒然獨回首

水天夕雲重不雨衣自濕夜寒更士語雞唱  
舟子急青黃數宿莽蒼茫暗原隰高城亦何  
有倚牆成獨立

客去水閨閉踈燈亦復收川鳴半夜雨卧冷  
五更秋扁舟已寒暑舟：真乘桴一燈照客  
睡短夢良悠：

士師我自出爽邁凌清秋年少不飲酒昏燈  
夜問曰南家外大父聽獄代其憂備渴朝煮  
飲驅蚊夜張幃獄成上府時稽顙呼張侯子  
伯獄卹曰最有恩事怨心臨縲紲相盜以戈矛無  
令市死厲請帝號重出

張右史文集卷第十七

張右史文集卷第十八

古詩

梢、陰靄集肅、春寒生窓燈耿初照小雨  
細無聲還來就温爐依然有故情燕坐悄無  
語軍城遞遠更

月夜懷陳永源

衆喧息遙夜爽氣清煩襟殷勤低簷月入幌  
來相尋平生學虛靜每為多病侵卧想陳夫



子幅中修竹林

冬日放言二十一首

清冬萬境肅，墻戶益蕭然。  
薄寒唯可飲，短景不容眠。  
貧厨烟火暖，麈釜亦烹鮮。  
且復養口體，何勞更問天。

湯餅慰朝餒，三杯澆旦寒。  
醉飽外何欲，昏然宵就眠。  
幽通夢有告，默存神自全。  
蕭蕭松竹舍，歲暮聊盤桓。

風雨連江氣，十月如深冬。  
坐曹日暮歸，密室

溫爐紅慘，庭下日騷，窗外風三杯害我  
醉萬事聽天工

小兒喜學書滿紙如栖鴉老婦寒不續當戶  
理琵琶樽中有神物快寫如流霞三杯任兀  
兀凍臉生春華

郊飲終日醉萬事付悠々醺然據榻暝簷雨  
方颺々吾事幸無急不醉欲何求願謂婦與  
子酒盡為我謀

寒羊肉如膏江魚如切玉肥兔與奔鶉日夕

懸庖屋嬉，願妻孥滋味喉可欲，謫官但強名比者何不足。

酒聖邛時惟此語，聞樂天安用苦了。白日供愁煎浮世本幻妄，空花電露。然人間無實事，唯醉廢幾焉。

愈老愈嗜酒，益醉益自然。兩人同墜車，醉者乃得全。我不但醉酒，天和醉心源。當其醉甚時，更類痴與頑。

至道與物反，夫豈會俗心。聖處有闡域，扁鑰

一何深時，資美酒可待及其門送君者既  
及君駕胡可尋

清晨坐官舍官舍後何有離披經雨菊蕭疎  
委風柳飽食或至睡涉筆無可否由然有好  
懷日暮歸飲酒

日暮歸飲酒兒女戲我前須臾徑三酌據榻  
已醺然老妻坐我傍鑪哉屢炮煎大勝劉伶  
婦區區為酒錢

我初謫官時帝問司酒神曰此好飲徒聊給

酒養真去國一千里齊安酒最醇失火而遇  
雨仰戴天公仁

吾腹如鷓夷但滿貯醇酒外圓故不滯中靜  
一無有紛々千百輩納若一塵垢下而至真  
源保之故難朽

淮陽名都會爽塏太昊墟最愛西城道汪々  
數頃湖古木巢翠鳥清濠見游魚幽居多不  
愜懷我平生娛

靈通古叢林他日休吾車出門循古城荒圃

畦寒蔬手種堂下花頗已數尺餘何時攬其  
華故人應念余

塞向久室處帶幕亦復周溫爐熾薪炭永夜  
炎光流五更屋霜重：余如無裘興懷無衣  
子平歲聊優游

陶潛經世才詘語不得肆彼寧徒嗜飲有蘊  
託諸醉時吐高詞頗復見一二義熙書甲  
子此意有涇渭

曾公蓋世才功業亦云偶世無左將軍老作

躬耕叟皇天挺奇產必使有所受珠玉在山  
淵終為王府有

秦人焚詩書意欲遂絕滅六經至今存何曾  
損毫髮興衰有天理人力自淺拙不憂驪山  
墓回首遭發掘

元子本豪爽頗復有俗氣孟嘉亦可人乃與  
較權勢崛強盡百年究竟成何事江左無英  
雄汝得免徒隸

淵明非無心似以酒忘憂如以藥愈疾未佳

寧免憂我直好飲耳與世本悠々人間有何  
事安足煩杯甌

無題

秋々鳴葉下初無風過之流年一如此慷慨  
使心悲平日談堯舜立朝羞自私温爐暖老  
客聊復此棲遲

秋日

頽葉鳥不顧枯莖虫暮吟野荒田已穫江晴  
夕還陰夜語聞山雨無眠聽楚碓寒裘還補



綻披拂動歸心

謫官

謫官成吏隱古寺度高秋寒燈明夜室清坐  
聞更籌裘嘗屢往還感被歲月道吾意方有  
會誰能賦離憂

十月二十二日晚作三首

黯：東牖闌寂，吾廬閨麓耦飽婦子首着  
無餘盤雁急天欲雨雞栖夕已寒老人袖手  
坐一杯聊自寬

天寒聊飲酒再酌已停觴豈不欲酣暢要使  
夜腹康意得樂有餘偶惟不必長寄身造化  
中勿使天和傷

蓬華無與處北風利戈鋌空爐有微火且復  
與周旋酒隱柴桑叟醉吟渭上賢二士忽已  
遠遺風載陳編

題壁

命駕欲請客欲去復遲々事幸無甚急何用  
勞驅馳家貧幸有酒亦略具鮮肥且復東窓

下高歌醉而嬉

夜坐

萬籟寂久寂三更霜已寒  
老人袖手坐一氣中自存  
自得此中趣不與兒曹論  
但有老孟光相對亦無言

任仲微閱世亭

志士抱奇策常苦不得伸  
及其利害出倏已止其人  
今古同此恨愚智竟誰分  
哀哉老任公英魄久已淪  
惟餘亭下栢閱世盤深根  
紛

紛冗草木幾變秋與春  
朝菌與蟪蛄盡死我  
獨存任公不及見  
其賢子孫請君利斯奇  
仍復大其門

感懷

枯樹桓司馬五柳陶徵君  
微木不足道所歎  
此兩人一理紫桑骨一為九錫臣  
榮辱俱已矣  
矣芳穢萬世間

次韻題李援舫子

紫髯不復見故宮無入門  
元子亦寂寞一丘

弔遺魂興亡兩夢幻今古一朝昏念當置是  
事盡此舟中樽

過孝感縣十里所望一土山下有漁  
舟呼之不來委舟負魚徑去不顧俄  
有一舟不待呼自擎舟直前取舟中  
美魚致之求價甚賤余倍與之值卒  
辭倍值而去余語之曰甬不待招而  
赴人之求仁也信不求厚價廉也子  
豈有道者乎茲楚境也昔有勸屈大

夫以鋪糟啜醴者豈非子耶為作一

篇

有道隱屠釣仁廉非偶然傾筐出紫鱖揮手  
謝青錢昔有離騷客名高楚國賢獨醒遭南  
笑吾幸醉終年

夜思

江邊鷓鴣鳴栖我屋南樹夜深風霜寒呼鳴  
自相語樹頭鴉翼動樹杪雁行度朦朧見江  
山一一翻飛去

嘲南商

兩袖全足帛望知江淮客深藏計美苦好鬪  
意氣窄愁逢湯餅盃遇鮓論甕昨市南沽茅  
柴歸店兩顏赤

種芭蕉

幽居玩芳物自種兩芭蕉空山夜雨至滴  
復蕭蕭涼葉泛朝露芳心展夕飈東堂日虛  
靜秀色慰無聊

一日復一日

一日復一日炎涼行一周異鄉猶在望白髮  
久生頭且看尋撞枝休懷失馬憂天公有至  
信萬古一春秋

大雨十日不止五月十八日晚始霽  
吳穹忽悔禍淫而霽今夕峯嶺紆紫翠雲天  
麝金碧深蛙鳴遠注涼葉墜餘滴漏屋百不  
憂宵眠始安席

天運

天運不暫止何啻過隙駒向來簷間日忽已



墻東隅樂者苦其疾憂者怨其舒由來盛典  
衰變滅皆須史

張右史文集卷第十八

張右史文集卷第十九

古詩

喜雨四首

陰陽不暫駐今夕已秋風  
晨興綿絲冷歲月驚衰翁  
朝烟爨薪濕小甲蔬畦空  
且復一杯酒吾生不終窮

手種五色蕉意待聽秋雨  
南風扇旱日破葉萎不舉  
霧霓未終夕綠潤遽如許  
秀色入書幃已覺青鸞舞

牆東有高樹夏葉圓綠綺西風繞一夕蕭颯  
遽如此寒蟬號其顛蟋蟀曉未已群動催流  
光榮華難久恃

隙地秋日曉寂無鄰里音惟有草根虫風前  
咽復吟悲歌者誰子徂年驚苦心青燈夜齋  
靜微溫生薄衾

東園

荒園何所有落葉與衰叢含芳未肯吐惟有  
木芙蓉黃菊如佳人綠萼包金茸併隨重陽

酒娛此憔悴翁

十二月二十六日旦聞東堂啄木聲  
忽記作福昌尉時在山間環舍多老  
木臘後春初此鳥猶多聲態不一今  
琵琶箏中所效既不類又百不得一  
二云福昌河南屬邑

睡起聞啄木忽憶福昌春官舍題詩壁如今  
經幾人猶能老耽酒依舊拙謀身尚想蘭宮

格東風清洛濱

三伏暑甚七月八日立秋是日風作  
涼爽炎酷頓消老病欣然命酒成二

詩

西風吹淡白窓戶含淒清炎涼一朝變徂暑  
逝不停山堂曉瀟灑病叟巾褐輕平時干雲  
樹芳葉亦復零

苦熱遶三秋西風颯然起金氣入草木傷夷  
從此始盛極衰從之循環固其理老翁復何  
事新涼欣酒美

摘梅花數枝挿小瓶中輒數日不謝  
吟玩不足形為小詩

踈梅挿書瓶潔白滋媚好微香悠然起鼻觀  
默自了秀色定可憐仙姿寧解老禪翁心土  
木對此成魔惱

所居堂後北籬下獲二蛇一小色赤  
長二尺許一大色黑長七尺圍四五  
寸尾可貫百錢盡放之

二物穴我居歲月亦已老一朝雙擒獲蛇：

出幽草安行免噬齧敢望吐珠報己月不殺  
純昔賢有遺告

獨遊東園

清曉步東園獨遊淡無侶菰蒲綠已深鵝戲  
春塘而取酒就花傾隔林邀客語歸來興未  
闌睡起春庭午

小雨效常體

午景蔽浮雲芳林散清雨虛窻度遙吹稍覺  
青葉舉殘蔬知夏餘隕葉兆秋序幽獨無往

來烹茶誰晤語

京師阻雨二首

深泥漫漶后土長安閉門三日雨頑雲不  
動風伯愁飛電更相雷師怒陽烏力弱不自  
持天漏已寬無石補麥蛾禾耳不足憂當念  
為魚救無禹

大雨三日泥三尺駿馬高車行不得我有蹇  
驢安敢騎閉戶高眠朝至夕誰家高堂半夜  
秋軟綺輕紈換絺綌朱門樂事無時無甬自



賤貧空太息

應龍

海明胸山有龍  
潭人傳有龍

應龍未遇風雲起  
仰活泥沙數尺水  
彼能坐致千里澤  
可憐一掬何難致  
時哉未遇可奈何  
一掬雖微安敢易  
誰能寄語潭中魚  
相聚須臾莫相忘

田家三首

野塘積水綠可染  
舍南新柳齊如剪  
去冬雪好麥穗長  
今日雨晴初擇繭  
東家饋黍西舍

迎連臂踏歌村市晚婦騎夫荷見扶翁月出  
橋南歸路遠

社南村酒白如餉鄰翁宰牛鄰媪烹挿花野  
婦抱兒至曳杖老翁扶背行淋漓醉飽不知  
夜裸股掣肘時謹爭去年百金易斗粟豐歲  
一飲君無輕

新見鵲銜庭樹枝黃口出巢今已飛粟留啄  
椹桑葉老科斗出畦新稻齊田家苦作候時  
節汲水未免寒與飢去來暴取獨何者請視

七月幽人詩

海州道中二首

孤舟夜行秋水廣  
秋風滿帆不搖槳  
荒田寂寂無人穀  
水邊跳魚翻水響  
河邊守罾茅作屋  
罾頭月明人夜宿  
船中客覺天未明  
誰家鞭牛登隴穀

秋野蒼々秋日黃  
萋萋滿田蒼耳長  
草虫唧唧鳴復咽  
一秋雨多水滿轍  
渡頭鳴春村迳斜  
悠々小蝶飛豆花  
逃屋無人草滿家  
纍々

秋蔓懸寒瓜

女兒祠下

山邊白雲閣不掃山下松花龍甲光東風古  
栢吹暖香廟前土馬荒春草朝霞為裳水為  
珮守廟千年老龍在清風掃堂神暮還山頭  
月出溪潺

馬周

馬周末遇虯鬚公布衣落魄來新豐一樽獨  
酌豈無意俗子不解知英雄賢豪相送自相

得一語君王見，肯臆當時豈不為人言。聾耳  
安能為君側。

南山

南山鳳凰雙翅垂，口不安食腹苦飢。山前老  
鳶飽腐鼠，憑恃風日群游嬉。俯身視鳳有驕  
色，鳳不汝較空嗟咨。九韶一奏為君舉，坐看  
百鳥相隨飛。

福昌北秋日村行二首

秋野無人秋日白，禾黍登場秋索索。豆田黃

時霜已多桑虫食葉留空柯小蝶翩  
紫野鶉啄粟驚人起洛陽西原君莫行秋光  
處傷人情

黃桑蕭蕭新雨晴田中日午村雞鳴場頭九  
月禾黍熟空原雉飛飽新穀棘籬虫鳴村路  
曲路邊古墳生野菊人稀田闌草茫茫洛陽  
秋深能斷腸

歲暮歎三首

秋日苦短秋雲多北風蕭蕭洛水波長林撐

空葉餘柯鳴雁高飛去不息晚花悠々能幾  
何洛陽經年客未去歲暮搔首空悲歎

寥々野空木黍荒北風日夜鳴空桑南山碧  
天青不極渺々洛水東流長山空水寒行客  
少鴻雁飛急天初霜蕭々窮谷歲已晚嗟我  
再補冬衣裳

南山蒼々季秋月北風如刀青石裂山陰半  
夜寒欲冰晚望高峰看新雪白衫少年臂鷹  
去暮歸飲酒烹狐兔強弓一斛尚可彎更欲

射獵窮吾年

一畝

一畝秋蔬半成實  
灶突無烟已三日  
良人傭車斃車下  
老婦抱子啼空室  
西風九月天已寒  
飢腸不飽衣苦單  
我身為吏救無術  
坐視啼泣空汎瀾

洛水

洛水秋深碧如黛  
亂石縱橫瀉鳴瀨  
清明見底不留塵  
日射澄沙動璣貝  
南山秋風已蕭



琴倒影上下迷空翠何當載酒縱扁舟一尺  
鯉魚寒可鱸

秋風三首

秋風蕭蕭洛川渡水碧沙寒飛白鷺波頭伐  
木欲成梁落日樵蘇下山去山頭九月雪一  
尺山民燃薪當襦袴石田收薄婦子飢歲晚  
苦寒安可度

秋風蕭蕭吹野桑田家黍稷初登場雉肥兔  
飽鷹隼健水落沙冷魚龍藏長淮烟波渺千

里悵望搔首山川長二年薇蕨若不飽長安  
裘馬多輝光

昏鴉歸栖暮天迥新月娟娟水中影秋聲索  
索起桑麻古道入歸烟火靜公庭吏稀霜樹  
老藥檻雨多幽菊盛山家生事飽詩知野果  
村醪遣朝暝

感春三首

我昨西來列昌谷主人致酒留我宿坐中少  
耳美如玉高歌清惟春夜從還家病酒對殘

春東風落花吹滿屋出無與語歸閉門安得  
萬里馳吾足

我昔東行花始開我自東歸花半摧萬紅辭  
林捲風去坐見錦繡蒙蒼苔南山朝雲鳩逐  
婦日暮微雨蕭蕭來一春晴明苦難得掩殺  
風日知誰哉

悠悠朝興暮還息官閒事少門無客空山多  
陰春足雨飢馬蕭蕭空伏櫪文章工巧謀愈  
踈顏鬢衰遲進無策繫身五斗甬自為何用

中宵空歎息

又三首

亦知春歸不可留，有情未忘寧免愁。  
平田茫茫芳草合，清洛不斷波悠悠。  
傷心千里寄雙淚，催老此生初白頭。  
問舍求田未成計，青衫手板對人羞。

山民為生最易足，一身生計資山木。  
負薪入市得百錢，歸守妻兒烹斗粟。  
山林未盡終不憂，衣食自樂他無求。  
人生誰使愛功名，萬慮

千思撓心腹

騎馬出門暮復歸生無所詣歸對誰妻兒具  
酒勸我飲兒稚笑語傍嬉：人生如此亦可  
樂安用軒冕生光輝九原可作飲誰與鹿門  
龐叟真吾師

去年

去年四月多風雨麥秀不實農夫苦今年麥  
好風雨調萬口噉：飢待哺何事今晨還衣  
袂朝日無光寒慘切天工與物無怨尤安用

日與人為仇

訪曇上人有感

上人稀出入黃葉閉門深繫馬長林下送僧  
古殿陰相逢成底事乘興偶來尋靜境亦何  
有無言知祖心生平避浮俗與物苦差參脫  
去猶未得塵埃嗟滯淫長廊秋日薄古木野  
霜侵徒倚誰晤語獨歸還獨吟

張右史文集卷第十九

張文文文集卷第十

讀後於前指無其說此說

未聞未見感無其說此說  
無其說此說此說此說此說  
此說此說此說此說此說  
此說此說此說此說此說  
此說此說此說此說此說  
此說此說此說此說此說  
此說此說此說此說此說  
此說此說此說此說此說  
此說此說此說此說此說  
此說此說此說此說此說

及無人感

張右史文集卷第二十

五言律詩

從黃仲閱求友于泉

炎暑戰已定清秋當抗衡  
碧雲生雁思幽草見蛩情  
燠麥村墟靜觀書枕簟清  
誰能酌玄酒來破屈原醒

借韻

清洛

清路西風急遙知故國秋  
羈游成歲月踈放合淹留  
地迥驚身老山高更旅愁  
登臨有詞



賦不減在荊州

落日

落日西風急空山客獨驚夕雲寒不動秋水  
暮多散粟猷周人飯尊思故國羨南飛有征  
雁羨爾羽毛輕

贈陳履常

芳苦陳夫子欣聞病肺蘇席門迂次數僧米  
乞時無肯蓄親庖急青錢藥裹須我腸方不  
給何以繫君駒

至安化驛先寄淮陽故人

蕭條安化驛倦客思悠哉積水連天濶青山  
送客來疎籬風捲葉敗屋雨生苔寄語淮陽  
舊人今放逐回

發崔橋

野麥平蕪隴官榆卧古津眠鷗沙上曉幽草  
水邊春暖葉生浮綠風漪起細鱗青新桑媪  
宮箔靜浣娘裙有客悲芳芷無人採白蘋可  
憐千里目愁殺未歸人

秋日

隕葉鳥不顧，枯莖虫暮吟。  
野荒田已獲，江暗夕多陰。  
夜語聞山雨，無眠聽楚砧。  
敕裘還補綻，披拂動歸心。

次韻斯舉送岩桂新釀

叢桂仙君子，小仙幽處芳。

原本少三字

鄒素漢殿

略塗黃，有客憐衰病。  
新醅許，橄嘗併將塵外物，助我北窗涼。

發安州作

積雨陂塘秀南風蒿艾肥烏捷立橫隴白鳥  
下深畦雲木叫杜宇曉林啼竹雞平生倦游  
興賴有濁醪携

天慶觀三芭檜

一本而具  
栢檜三物

聚處歲寒物生為千歲身柯條雖日異臭味  
本相親商季諸公子茅家賢弟昆分驅衆彭  
惡各共一清真茅賴風中合鱗鱗雨後伸高  
枝如借便輕舉豈無人

太清宮有升天檜傳  
記諸真輕舉者多升

樹

都梁亭下

金塔青冥上孤城蒼莽中  
淺山寒帶水旱日白吹風  
人事劇翻手生涯真轉蓬  
高眠待春漲鮭菜伴南公

歲暮獨酌書事春懷晁永寧

天涯催晚歲殘律去如犇  
入夜北風惡多陰寒日昏  
野吹餘燒燼溪落舊沙痕  
霜重飢鷹疾田空宿雁喧  
山明千筍直雲積萬營屯  
足雨耕犁早豐年柿栗繁  
地平秦接席土斷洛

開門白首三年客黃桑數畝村懶梳悲髮短  
不寐守爐溫折骨披殘枿蒼龍卧老根晚篁  
猶竚思幽蓋助銷魂慷慨雙龍劍飄零一酒  
樽琳琅思秀色環珮想清言獨語看明燭空  
庭月出軒

二月三日艤舟徐城戲呈戚郎

自嗟為客久羈旅過淮時雪野挑蔬瘦霜天  
暖酒遲流年下坡穀萬事一枰碁異日懷陳  
迹孤舟近古祠

重到臨淮壽聖院

陳迹不可訪舊游三十年相逢非故物大半  
已沉泉世界揚塵海浮生不繫船老人無固  
必醉即揜蓬眠

舟中曉思

樹色未啼鳥槳聲初度航客燈青映壁城角  
冷吹霜飄泊年來甚霸游情易傷年豐清潁  
尾吾計亦老良

將至漢川夜泊

水翼飛栖定連櫺宿暝烟  
葦風驚客夢江月  
伴人眠多病悶偏樂苦吟  
愁芳牽漁郎甬何  
恨終夕獨鳴舷

酬同年徐正夫司戶時公欲卜築嵩  
洛間

少別老相見無言空惘然  
功名屬多病詩酒  
樂衰年金厭顏公粥囊須  
趙一錢歸裝何日  
辦嵩少好林泉

何處春深好二首



何處春深好春深老宿家  
茶爐寒宿火佛案  
曉添花壞宅無妖火  
通途有寶車院深人不  
到幙影逐風邪

何處春深好春深居士家  
荒園幾畦菜環堵  
數枝花自蠟登山  
屐好驅下澤車時  
客問  
字醉帽任傾斜

次韻寄趙伯堅二首

西湖望中潭能有幾多程  
問訊懶不講篇章  
來逾清為邦循舊政  
把酒憶交情祝子過新

歲春風入帝城  
相思何處望  
月閣對南堂  
念子猶記我懷君  
時舉觴可能思  
頓好端是種花  
忙闕說河陽  
政佳哉副所望

陋屋

陋屋秋霖後  
荒城落葉中  
壞牆朝挿菊  
幽草  
畫閣蛩豈是不浪出  
直緣無奈慵  
何芳求季  
主吾自了窮通

道旁花

長夏百草秀道旁多野花無名自紅紫有意  
占年華灼灼照流水斑斑上古槎中原何日  
掃將爾付泥沙

寺西閣步

閣里靜無事野塘春水生好風時獨立芳草  
共閒行閨月遲春候輕陰弄晚晴鄰炊烟火  
動下舍晚雞鳴

己醒

己醒獸醉將開灼灼紅年列春日忽

遇東風暇日如年永悶愁似酒濃時能將醉  
眼天際送飛鴻

賦得瀑布

浩：自太古洋、灌百川深將一源潤首出  
萬嶂巔晴浴岱宗日香通華嶽蓮應有真仙  
子揮榜上青天

今早將飲酒聞鶯有感

蕭條古蘭若春日等閒斜啣、初聞燕忽、  
又過花舊遊都似夢到處即為家把酒聽鶯

處霸懷感歲華

破幌

破幌一點白卧知千里明  
低窓通雪氣喬木尚風聲  
傳警軍城靜鳴鐘梵刹清  
高眠尋斷夢鄰樹已烏驚

食笋

荒林春足雨新笋迸龍雛  
鄰叟勤致饋老人欣付厨  
朝飡甘飽美放筍為嗔吁  
惜取葛陂杖猶堪代我駒

夜意

每見青桐落常虞白髮侵  
傷心惟片月不睡更清砧  
蟋蟀秋聲早銀河夜色深  
崎嶇無限意蕭索一場吟

秋雨

階下梧桐樹芳菲亦已休  
歲時驚病客風雨送清秋  
栖鳥歸何晚鳴虫響漸收  
蕭瑟寒色暮吹作夜深愁

丈人憐我厚許與過常情身世已迂濶功名  
何敢爭笑談忘晚輩樽俎罄生平欲斲臨渴  
地從公老此生

夜吟

簾捲涼侵戶窻虛月過惟高桐清露濕深柳  
夜蟬嘶斷續銀河轉歌斜斗柄移風來高葉  
報伏近候虫知陶令尊無酒潘生鬢有絲將  
何慰愁寂倚杖獨題詩

晚卧

日落煩暑退秋晴河漢明微雲映天白纖月  
過林清獨卧誰晤語幽懷殊未平蕭々夜深  
冷皓露滿前楹

捲簾

捲簾新月上林影散微茫庭草鳴虫近風燈  
秋幌涼長年唯有病晚歲苦多傷身世竟何  
就吾將問蜀莊

八月三日舟行自蔡河赴臨淮

曠野天垂地川晴水見沙河回迷向背岨斷



忽桑麻水濶時浮鷺  
破寒乍集鴉年饑田  
落歲晚客悲嗟新月  
排雲水西風送日斜  
孤舟何處宿故國已  
天涯

日落長雲暗風悲古  
岫秋渚鷗迤避客野  
蝶戲隨舟跡拙資微  
祿飄零猷遠游若無  
尊裏酒何物與消愁

舟行即事二首

古岫生微靄空林卧  
夕陽霞輝明野色天  
影

戰波光集鳥村墟暗鳴虫黍黍荒秋高孤月  
靜天末巧雲長沙晚橫歸艇川晴列去檣登  
臨自多感何必寄他鄉

去々路日遠行々歲向深晚田荒更濶秋野  
曉多陰岫蓼飛寒蝶汀沙戲水禽迎風蘆顫  
葉眩日棗裝林早蟹肥堪薦村醪濁可斟不  
勞頻悵望處々有鳴砧

和柳郎中山谷寺翠光亭長韻

山深疑路斷古寺忽開門喬木風霜急荒岵

雲雨痕朝霞明翠靄秋雨濯嵐昏幽鳥不避  
客閣雲時入軒重籬深更綠碧澗淺無渾寶  
地黃金布飛泉白玉噴庭閒卧馴鹿果熟引  
王孫禪靜石為室客迷桃滿園每悲塵世幻  
方信梵王尊野實飢堪薦陽崖冬自溫便當  
安寂寞何事走歌煩清梵晨齋啟高松夜枕  
喧蓬人休問道得意已忘言直指曹溪路勞  
將貝葉翻功名嘆不偶歲月去如犇久分踈  
軒冕寧辭友攫猿從容岩客話簾櫳野僧飡

卽是平生樂心期何日論

冬日三首

昨夜新霜落淮南十月初寒雲風後白高木  
雨來踈功業嗟謀拙星霜逼 餘子雲真拙  
者寂寞為玄書

汴水日夜澁天寒霜野寬拂衣秋葉亂衝面  
北風寒不作歸山計空悲走馬鞍濟時吾力  
薄俛仰一悲嘆

孤冷不成寐起坐聽雞號樓閣更籌靜天寒

星斗高蕭條陶令酒清怨楚臣騷凜悲秋  
意何須待二毛

青陽驛會劉伯毅夜話

犇走倦塵埃相違顏暫開語闌燈燼改飲散  
月華來行役風霜苦流年歲月催我愚甘自  
分惆悵子多才

斜日二首

斜日歸殘暑秋容淡太虛閨雲工變易片月  
自清孤淹泊年華老淒涼歲事餘時違自樸

拙興懶日蕭疎阮籍慵耽酒文園病著書簪  
纓非草野江海得樵漁

伏盡金纜壯天高火歆流病悵拋酷暑詩興  
得高秋盡靜塵埃少宵涼河漢浮清傷桐葉  
膩爽奪蕙蘭柔晚歲寒將屆群芳葉不收幽  
人多感慨啼頰助騷愁病懶非高卧疎迂却  
自由功名與世事擺落醉鄉遊

秋懷次韻晁應之三首

木落晚風急宵涼侵暑衣有期惟向老無計

未成歸只益顛毛脫還從解骨肥感時仍弔  
古回首意多違

衰髮不堪洗病軀先覺陰天寒白日短歲暮  
亂山深薄酒醒無力危弦奏不禁謀身老逾  
拙三聽洛陽砧

清秋萬里興力疾上高臺歲熟雉兔飽風高  
榆柳摧晚篁元自綠幽菊為誰開寂寞無人  
問鄉書久不來

張右史文集卷第二十